

QUÆSTIO MEDICA AGITANDA IN PUBLICIS MEDICORUM SCHOLIS CELEBERRIMÆ ACADEMIÆ CADOMENSIS, AD CATHEDRÆ VACANTIS DISPUTATIONEM.

An certum graviditatis indicium ex urinâ?

41.

Ubi primum animalia vitalibus aëris fruuntur, ad interitum celeri & constanti gradu feruntur. Vita consistit in blando & æquali fermentationis massæ sanguineæ motu; ubi eadem fermentatio perversa & præter naturæ leges peragitur, vel nimium languescit, vel æquò velocior fit; aut omnino sistitur, tum morbus, & tandem mors ingruit. Huius tyrannidi quolibet vivencia ita subjacent, ut mirum videri possit omnia jamdudum ad nihilum non recidisse; sed sapientis naturæ providentiâ quolibet animalia, saltem perfecta, mas & femina diversis partibus instruuntur, quârum structura diversâ, figurâ, ac virtute speciei propagationi prospexit, & sic perennitatem generi denegaram, speciei quodammodo tribuit. Nullum est sane ipso homine lactivus & salacius animal: ille quolibet anni tempore, & quâvis horâ amplexus veneros perorat; cetera vero statim tantum temporibus veneri indulgent. Generationis opus tot undique difficultatibus circumscriptum est, ut, de ea quid statuendum, vix dici possit. Alii alia commenti sunt. Qui generationem ex utriusque parentis semine permixto fieri autumant, non leviter hallucinantur, neque facilius & expeditius huius sententiæ patroni difficultatem quâdammodum nodos solvunt, quàm qui ovorum doctrinam amplectuntur. Omnia ex ovo orti opinantur, vivipara æquè ac ovipara. Natura simplex, confusa, & sui ubique similis, uno & eodem modo, eoque simplici, quoad fieri potest, semper agit. Testes muliebres constantur vesicularum humore quodam plenarum congerie, qui communis membrana obvolvuntur. Hæc tamen vesicula cum multis hydatidas, aut aliud quidpiam in his partibus præter naturam geniturum, ne dixeris: illa sunt præstantissima naturæ opus, & in ipsis testibus constantur reperiuntur. Quanquam testes feminarum inutiles à quibusdam habiti fuerint, eorum tamen necessitas ex earum castratione abundè patet; ex his his partibus non minis steriles evadunt, quàm mares ex his testibus. Iisdem ubique interveniunt in viviparis ac in oviparis. Ejusmodi ova à mulieribus edita, passim fidem faciunt literarum monumenta; sic Hippocrates testatur se vidisse germen excullum, quod erat membrana inclusum, ut si quis ovo crudo externam testam undique aufregit, sic in Germania quædam mulier peperit ova numerosa, quæ racemî speciem præ se ferebant.

HOMINEM generari in utero materno extra omnem dubitationis aleam ponimus. Si quando in tubâ, aut abdominis cavitatē, quod admodum insolens, ibique tanquam in alieno solo per aliquot menses fetus hospitetur, illud omnino à naturæ votis alienum est, & vix unquam corrigi sine matris & fetus extinctione. Hinc, quantum à vero aberrant Paracelsi sectatores facile est colligere, dum eo dute non dubitant asserere, possibile esse formationem hominuli in vitro ex semine virili, & menstruo sanguine, intra finem equinum posito. Utens veluti feracissimæ naturæ campus semen virile ejaculatum excipit: huius pars subtilissima & efficacissima avolat ad ovaria, eaque sibi ac pervadit, & ovum unum aut plura, si quæ matura & præviè disposita fuerint, fecundat, & seminem excitat fermentationem, per totum corporis producendi vitæ curriculum duraturum; unde fetus unicus vel plurimifacitur. At quomodo, quæ arte stupenda partium corporis fabrica fieri possit, determinare hoc opus, hic labor est. Ovum genitali deferentium munere levè negotio fingatur. Ovum in utero contentum eundem blandè demulcet & titillat, ad quem spiritus animales & sanguis uberris excurrunt, mætus ejus referant; hinc rarefcit & intumescit, atque illius membrana succis nutritiis turgide quousque magis extenduntur. Fœtus in utero radices spargit, quibus haud ab simili modo ac planta per radices suas radicatur, & succum, quo nutritur & augetur, haurit. Fœtum non sanguine materno, sed chylis nutriti, certa probat experientia, quâ compertum est, ejusmodi humorem ex utero post partum effluere. Secunda prægnante bestia, compressione aut avulsione papillarum, in quas infertur venarum umbilicalium ramuli, elicitur idem quoque humor. Hinc lacteus ille succus, qui in sterum ventriculi continetur, suam ducit originem: sic recens in lucem editi quandoque eundem vomunt, antequam quidquam extra uterum ore assumpserint.

VERUM quanquam natura opera sua secundum leges à summo auctore suo constitutas ad felicem exitum perducere molitur, semper tamen voti compos non fit, & quam intendit perfectionem, non assequitur. Illa sæpenumero à causis, tum internis, tum externis, & subiecto malè disposito præteritur. Sanguis menstruus, vel suppressus, vel parè fluens, vel immoderatè profusus falsi conceptus, aut abortus causa habetur. Quomodo enim fons ejus exundans ovum vitiat, aut elicit utero conclusionem, sic vix illans, aut exhaustus eidem labem ac vitium inurit, vel negato, quo vireat, rore, penitus extinguit. Sed quamvis irroretur uterum, ut par est, sanguine menstruo, non propterea fecundus existit, si vitata sit ejus structura, & à naturali defeciverit ordine. Cum uterum vel præter naturam coarctatur sui contractione & angustia conceptum fœtum excludit, vel præter modum relaxatus eundem ad debitum tempus retinere nequit. Huc pertinent omnes violentæ, tum corporis, tum animi commotiones, & perversa ac venenosa materis imaginatio; imò cum ipsæ partes in ovo, & ex eum flamma tenera sint admodum, non dubitamus quin ab humorem, qui aliis in eum nutritionem convertuntur, acrimoniam, vel vehementiori impetu rumpi, aut erodi, indeque in utero massam rudem ac indigestam compingit queant. Ad mola productionem non maturum modò, sed fœcundatum insuper prærequiritur ovum, ex quo primariâ naturæ intentione fetus naturalis, seu conceptus legitimus perfici debuit. Hæc naturæ actio, cum ab aliqua causa pervertitur, mola generatio fit; tum incaute mulieres luduntur inani spe, & expectatione prolis. Mola est massa quædam in utero ex conceptu, loco fœtus ordinarij, genita, & ita malè formata, ut ad nullam certam animalium speciem referri possit. Mola vulgò dividuntur in vitales & non vitales, sed præpostere. Omnes vitæ ejusdem participes esse rationi consensum videtur; licet in illis sèpe nullus deprehendatur motus. Molarum quoque differentia desumuntur ex earum figura & magnitudine.

FUTURÆ à coitu, aut etiam factæ conceptionis signa hæc vulgò habentur: quòd scilicet uterum præ aciore voluptatis sensu nonnulli extoruerit; quòd desideraverit libidinis æstus, & os uteri occlusum sit; quòd menstrua imposterum supprimantur, & paulatim refluxu ad mammas sanguine menstruo, ut loquuntur antiquiores Medici, seu potius, ut recentioribus placeat, chylis in sanguinem menstruum cellulæ ad mammas appellente, & ibi in lac converso, mammae intumescant. Factam quoque conceptionem constanter cibi fastidia, nausea, & vomitus, pica, ventris tormina, alvi fluxus, dentium dolores, vertigines, cephalalgia, animi deliquia, humorum & coxendicium dolores, hæmorrhagiae nasum, gravitatis sensus circa pectus, abdominis tumor. Hæc quidem symptomata, quibus gravidæ sæpius infestantur, non sunt conceptionis certa indicia, ac signa pathognomonica. Hæc enim affectiones multis ex causis in mulieribus minimè gravidis excitari possunt; nec minis plethoræ, cacodymiae, obstructionibus, aut sermone exotico, illarum originem tribui posse arbitramur. Non ex lacte in mammillis graviditas inferri potest, quia etiam, restantibus Divino Sene & aliis, utero non gerentes illud habere; in primis etiam mensibus conceptus lacte destituntur; gravitatis sensus circa pectus, & abdominis tumor, non in prægnantibus modò, sed in refectione mensium, molâ, uteri hydrope, inflatione, & vesice calcule laborantibus observantur. Neque menstruum suppressio certum est graviditatis indicium; in virginibus enim, quæ virum non expertæ sunt, sæpius supprimuntur menses, & etiam quædam mulieres toto gestationis decursu menses patiuntur. Ephemerides Germanicæ quorundam referunt mulierem hoc solo tempore menstrua parti solitam fuisse. Motus qui in eam abdomine percipiuntur, à flatibus, aut simili causa producti fieri possunt. Quolibet horum signorum seorsum sumptum imprægnationem non significat; sed ex earum congerie aliquid Medicus prudens, & alienis erroribus cautus, hauriri poterit. His tamen ne facilius credas.

NEQUE tamen quis putet nos inficiari velle, quædam mulieres utero gerentes peculiari temperamento donatas, certa quædam habere suæ imprægnationis signa. Nonnullæ enim statim atque conceperint, horrendis vomitibus infestantur; alie quidem libidine priuunt, sed factâ conceptione ardor videtur extinctus. Panarollus asserit mulierem fuisse, quæ quodvis fuit gravida, venam circa genum insigniter tumidam habuit: at hæc signa non sunt quibuslibet communia, sed tantum istis propria; unde ex his nihil conclusi potest, nec colligi, pro aliarum feminarum graviditate cognoscenda. Verus est opinio unanimi penè Medicorum consensu firmata, urinas esse maximi momenti, tum ad plurimum morborum diagnosin, tum ad eorum curationem. Scrum enim, quod est proxima urinæ materia, humoribus permixtum, & valde quædam partibus sibi afficit, atque ipsorum excrementa secum foras exportat; sicque quodammodo massæ sanguineæ detegit vitia, ac veluti oculis subicit; partium, quas attingit, affectiones declarat, puta majorum vasorum, ex quibus in renes depluit, renum, ureterum, & vesicæ, quarum partium fordes, si quæ ipsi inhaereant, extergit, & foras amandat. Mædum quidam ex urinarum inspectione graviditatis indicia elici posse contendunt, si nimirum albae, clare, & in illis atomi ascendant, & descendentes apparent. Verum ex earum consideratione mulierem verè prægnantem esse, certo ferre non possumus. Urina si affecta morbos potius evinceret, quàm imprægnationem: illa neque in utero fit, neque in locis utero vicinis; neque per illum aut infelices exitus se prædicere, aut imprægnationem certo colligere posse alleverant. Tantum enim abest, ut ex urina Medici industria graviditatem evicere certo possit, ut hoc signo potius, necnon omnibus alijs, & Medici, & mulieres in errorem inducantur.

Non ergo certum graviditatis indicium ex urinâ.

Hæc Theses proponebat MARINUS LE COINTE, Cadomæus, Doctor Medicus; die jovis 14. Aprilis, A. R. S. H. M. DCCI. ab hora prima ad vespæram.

CADOMI, Apud JOHANNEM CAVALLER, Regiæ Academiæ Typographum

